



# NAFARROAKO PARLAMENTUKO

## ALDIZKARI OFIZIALA

X. legegintzaldia

Iruña, 2021eko urriaren 25a

119. ZK.

### A U R K I B I D E A

#### A SAILA:

##### **Foru lege proiektuak:**

—Foru Legea, kreditu-gehigarri bat ematekoa, espetxeetako osasun arloko eskumena Nafarroako Foru Komunitateari eskualdatzearen ondorioz transferitutako langileen soldatak ordaintzeko. Osoko Bilkurak onetsia (2. or.).

#### B SAILA:

##### **Foru lege proposamenak:**

—Foru Legea, zeinaren bitartez aldatzen baita 2/2018 Foru Legea, apirilaren 13koa, Kontratu Publikoei buruzkoa. Osoko Bilkurak onetsia (4. or.).

#### E SAILA:

##### **Interpelazioak, mozioak eta adierazpen politikoak:**

—Erabakia. Horren bidez, Nafarroako Gobernua premiatzen da eten digitala murrizteko asmoz liburutegiak bultza ditzan herritarrak gai digitaletan prestatzeko eremu gisa, haien alfabetatze digitala eta gaitasun informazionala eskuratuta. Osoko Bilkurak onetsia (17. or.).

—Erabakia. Horren bidez, Nafarroako Gobernua premiatzen da Espainiako Gobernuarekin behar diren zuzemena egin ditzan foruzainek erretiroa hartzeko adina aurreratzeko egin beharreko administrazio-izapideak azkartu ditzan. Osoko Bilkurak onetsia (18. or.).

—Erabakia. Horren bidez, Diputatuen Kongresua premiatzen da, Konstituzio Batzordearen baitan, urgentziaz dei dezan Hauteskunde Araubide Orokorrari buruzko ekainaren 19ko 5/1985 Lege Organikoa aldatzeko Azpibatzordea, tokiko hauteskunde-elkarteak eta alderdiak direla-eta sortutako arazoei konponbidea emateko behar diren legegintza-aldaketak egiteari begira. Osoko Bilkurak onetsia (19. or.).

—Erabakia. Horren bidez, Nafarroako Gobernuko Hezkuntzako kontseilaria premiatzen da Nafarroako Parlamentuak hartutako erabakiak bete ditzan, zuzenbidezko estatu demokratikoan behar den legez. Osoko Bilkurak onetsia (19. or.).

—Mozioa. Horren bidez, Nafarroako Gobernua premiatzen da adostasun-espazio bat sor dezan Nafarroaren garapen sozial eta ekonomikorako proiektu estrategiko lehenetsien inguruan. Osoko Bilkurak ezetsi du (20. or.).

---

A saila:  
**FORU LEGE PROIEKTUAK**

---

**Foru Legea, kreditu-gehigarri bat ematekoa, espetxeetako osasun arloko eskumena Nafarroako Foru Komunitateari eskualdatzearen ondorioz transferitutako langileen soldatak ordaintzeko.**

*OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, foru lege bat onetsi zuen, kreditu-gehigarri bat ematekoa, espetxeetako osasun arloko eskumena Nafarroako Foru Komunitateari eskualdatzearen ondorioz transferitutako langileen soldatak ordaintzeko.

Legebiltzarreko Erregelamenduko 146. artikuluan ezarritakoa betez, argitara dadin agintzen da.

Iruñean, 2021eko urriaren 15ean

Lehendakaria: Unai Hualde Iglesias

**Foru Legea,  
kreditu-gehigarri bat ematekoa, espetxeetako osasun arloko eskumena  
Nafarroako Foru Komunitateari  
eskualdatzearen ondorioz transferitutako langileen soldatak ordaintzeko**

**HITZAURREA**

Espetxeetako osasun arloko Estatuko Administrazioaren eginkizunak eta zerbitzuak Nafarroako Foru Komunitateari eskualdatzeko uztailaren 6ko 494/2021 Errege Dekretuaren bidez onetsi zen Transferentzien Batzordeak 2021eko ekainaren 2an hartutako Erabakia, abenduaren 19ko 2356/1984 Errege Dekretuaren 2. artikuluan aurreikusitakoa.

Transferitutako langileak 4 sendagile, 3 erizain, farmazialari 1 eta erizaintzako 2 laguntzaile dira. Guztiak Oinarrizko Osasun Laguntzari atxikita egonen dira, farmazialaria izan ezik, Farmazia Prestazioen Proiektuan sartuko baita.

Haien soldatak ordaindu ahal izateko, kreditu-gehigarri bat eskatu da, Osasunbidea-Nafarroako Osasun Zerbitzuaren Oinarrizko Osasun Laguntzako Programetako eta Zerbitzu Zentraletako lan-

gileen kapituluko zenbait partidatetik hartu beharrekoa, langileak programa horiei atxikita daude eta.

Langileen arloko gastu hauek egotzi beharreko partidetan egun dagoen kreditua ez da nahikotzat jotzen langile horiek Osasunbidea-Nafarroako Osasun Zerbitzura eskualdatzeak dakarren gastua estaltzeko. Zehazki, guztira 265.326,40 euroko zuzkidura proposatzen da zenbait partidatan.

Nafarroako Ogasun Publikoari buruzko apirilaren 4ko 13/2007 Foru Legearen 48. artikulua 1. puntuak ezartzen du ezen, hurrengo ekitaldira arte berandutu ezin daitekeen gasturen bat aurrekontu indardunaren kargura egin behar bada eta dagoen kreditua aski ez bada eta ezin bada handitu aipatutako foru legean jasotako xedapenen arabera, Nafarroako Gobernuak, Ekonomia eta Ogasuneko kontseilariak proposaturik, foru lege proiektu bat bidaliko duela Nafarroako Parlamentura, kreditu-gehigarri bat ematekoa.

Artikulu horren 2. apartatuan ezartzen denez, foru lege proiektu horretan zehaztu behar da zein baliabide diren egin nahi den gastu handiago hori finantzatzeko dutenak; edozein gastu programarako beste kreditu erabilgarri batzuk izan daitezke, are Parlamentuak zuzenketen edo foru lege horretako xedapenen ondorioz berariaz onetsitako kredituetakoak, edo bestela, ekitaldi ekonomiko bereko diru-sarrera handiagoen kargura (diru-sarrera horiek errealak edo aurreikusitakoak direla ere), jatorrian dagoen gastua egiteari lotutako diruzaintzako gerakinaren aplikazioaren kargura edo gastu orokorretarako diruzaintzako gerakinaren kargura, positiboa denean.

**1. artikulua.** Kreditu-gehigarria ematea.

265.326,40 euroko kreditu-gehigarri bat ematen da 2021eko ekitaldirako, espetxeetako osasun arloko eskumena Nafarroako Foru Komunitateari

eskualdatzearen ondorioz transferitutako langileen soldatak ordaintzeko

Kreditu-gehigarri hori aurrekontuko partida hauetan aplikatuko da eta zenbateko hauek izanen ditu:

“Langile finkoen ordainsariak” izeneko 547001-52300-1200-312200 partida	112.394,53 €
“Aldi baterako kontratudunen ordainsariak” izeneko 547001-52300-1220-312200 partida	17.471,29 €
“Ordainsari pertsonalak” izeneko 547001-52300-1400-312200 partida	24.887,10 €
“Lanbide karreraren ordainsariak” izeneko 547001-52300-1410-312200 partida	17.198,03 €
“Guardiak egiteagatiko osagarria” izeneko 547001-52300-1704-312200 partida	54.148,00 €
“Sakabanatze geografikoagatiko osagarria” izeneko 547001-52300-1706-312200 partida	3.283,11 €
“Txandakako lanaren ordainsaria” izeneko 547001-52300-1707-312200 partida	4.512,36 €
“Kapitazio osagarria” izeneko 547001-52300-1709-312200 partida	3.417,72 €
“Langile finkoen ordainsariak” izeneko 540005-52831-1200-311100 partida	19.142,40 €
“Ordainsari pertsonalak” izeneko 540005-52831-1400-311100 partida	3.602,59 €
“Lanbide karreraren ordainsariak” izeneko 540005-52831-1410-311100 partida	5.269,27 €

**2. artikulua.** Kreditu-gehigarriaren finantzaketa.

265.326,40 euroko kreditu-gehigarri hau 2021eko gastuen aurrekontuko “Estatuarentzako ekarpena” izeneko 160000 17100 4000 941100 partidaren kargura finantzatuko da.

**Azken xedapen bakarra.** Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra.

---

**B saila:**  
**FORU LEGE PROPOSAMENAK**

---

## **Foru Legea, zeinaren bitartez aldatzen baita 2/2018 Foru Legea, apirilaren 13koa, Kontratu Publikoei buruzkoa.**

### *OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, foru lege bat onetsi zuen, zeinaren bitartez aldatzen baita 2/2018 Foru Legea, apirilaren 13koa, Kontratu Publikoei buruzkoa.

Legebiltzarreko Erregelamenduko 146. artikuluan ezarritakoa betez, argitara dadin agintzen da.

Iruñean, 2021eko urriaren 15ean

Lehendakaria: Unai Hualde Iglesias

### **Foru Legea, zeinaren bitartez aldatzen baita 2/2018 Foru Legea, apirilaren 13koa, Kontratu Publikoei buruzkoa**

#### **HITZAURREA**

la hiru urte eman direnean Kontratu Publikoei buruzko apirilaren 13ko 2/2018 Foru Legea aplikatzen, horren edukian aldaketa eta zuzenketa batzuk egin beharra nabari da, neurri handiagoan betetze aldera Kontratuei buruzko Foru Legeak berak 2. artikuluan jasotzen dituen eraginkortasun eta efizientzia, proportzionaltasun, gardentasun eta osotasun printzipioak.

Horrela, beharrezko irizten zaio testu osoan zuzenketa teknikoak egiteari, izapidetze elektronikoa nagusitu den ingurune batean balio-ekarpenik egiten ez duten izapideak bertan behera utziz prozeduren izapidetzea azkartzeko; gaur egun interpretazioa egitera behartzen duten zertzeladak argitzeko; aurreikuspen bikoiztuak ezabatuz; edo espediente guztiei aplikatzekoak diren betebeharrak eta horien salbuespenak egokiro eta proportzionalki ezartzeko.

Azkarre-neurriak sozietate publikoetarako ere ezartzen dira, hala nola bertan behera uztea entitatearen arduradun den Administrazioaren

txostena, kontratua sortaka zatitzen ez den kasuetan.

Halaber sinpletzen da lehia ezinezkoa den prozeduren izapidetzea, laburtu egiten da jakinarazpen elektronikoaren kasuan kontratuen eraginkortasuna eteteko epea, bertan behera uzten da eskaintzen irekitzearen eguna Atarian argitaratzeko betebeharra, eta, gardentasuna hobetzea xede, kontratu baten adjudikazioaren iragarkia argitaratzeko epea murrizten da.

Gaur egun interpretazioa behar duten aferak argitzeari dagokionez, besteak beste ezartzen da kontratazio-mahaiak osatzen dituzten pertsonen arteko eginkizun-banaketa, kide guztien elkarte fisiko edo telematikorik ez dagoenean; lizitazio-eta adjudikazio-zenbatekoak kalkulatzeko modua zehazten da prezio unitarioran egiten diren kontratuetan; arautu egiten da pleguetan edo adjudikazio-hartzailearen eskaintzan jasotako beste estipulazio gehigarriak kontratuan jasotzeko modua, lehia-printzipioa urratzen ez denean; kontratatze baldintzak frogatu beharreko unea eta modua argitzeko aldaketa batzuk jasotzen dira; eta beste kontratu batzuetako kaudimenak aprobetxatzeko modua arautzen da.

Horrez gain, transposizio-oker bat zuzentzen da, zerbitzu-emakidei aplikatzeko den Europako atalaseari dagokiona; transposizio zehatzagoa egiten da Kontratu Publikoei buruzko Foru Legearen aplikazioa baztertzen deneko kasu batzuei buruz; eta ospitale-erabilerako medikamentuen eskuratzea halako moduz arautzen da non baldintza orokorren ezarpeneko sistema bat finkatzen baita, beherapenak ezartzeko nahiz ez ezartzeko aukera emanik Administrazioak Osasun Sistema Nazionalaren kargurako finantzaketarako ezarritako prezioan, irekita daudenak hornitzaile-multzo bati, eta modua egonda beste eragile ekonomiko batzuek bat egiteko geroago, aintzat harturik Europar Batasuneko Justizia Auzitegiak 2016ko

ekainaren 2ko epai batean ezarritako doktrina (Dr. Falk Pharma GmbH-k DAK-Gesundheit-en aurka, C-410/14 afera, 41 eta 42. puntuak).

Testuinguru horretan, eta efizientziaren eta kudeaketa sanitario egokiaren arteko erlaziorik onena zaintzearen, medikamentu-eskurapeneko sistema bat arautzen da, halakoa dena non lizitazio publikoa egin beharrik ez dagoen, jadanik badagoenean administrazio-prozedura bitartez zehazturiko prezio bat, administrazioaren eta farmazia-hornitzailearen artean negoziatua, eta are, kasu batzuetan, arrisku partekatuko akordioak edo gastu-mugarakoak, atxiki egiten direnak eta, beraz, eskuratzearen baldintzak arautzen dituztenak, eta hori Osasunbidea-Nafarroako Osasun Zerbitzuaren erosketei aplikatuko zaie.

**Artikulu bakarra.** Kontratu Publikoei buruzko apirilaren 13ko 2/2018 Foru Legea aldatzea.

Kontratu Publikoei buruzko apirilaren 13ko 2/2018 Foru Legeari aldaketa hauek egiten zaizkio:

**Bat.** Zioen azalpenari paragrafo berri bat gehitzen zaio. Testu hau izanen du:

“Hogeita batgarren xedapen gehigarrian ospitale-erabilerako medikamentuen eskuratzea arautzen da eta baldintza orokorren ezarpenerako sistema bat finkatzen da, beherapenak ezartzeko nahiz ez ezartzeko aukera emanik Administrazioak Osasun Sistema Nazionalaren kargurako finantzaketarako ezarritako prezioan, irekita daudenak hornitzaile-multzo bati, eta modua egonda beste eragile ekonomiko batzuek bat egiteko geroago, aintzat harturik Europar Batasuneko Justizia Auzitegiak 2016ko ekainaren 2ko epai batean ezarritako doktrina (Dr. Falk Pharma GmbH-k DAK-Gesundheit-en aurka, C-410/14 afera, 41 eta 42. puntuak).

Testuinguru horretan, eta efizientziaren eta kudeaketa sanitario egokiaren arteko erlaziorik onena zaintzearen, medikamentu-eskurapeneko sistema bat arautzen da, halakoa dena non lizitazio publikoa egin beharrik ez dagoen, jadanik badagoenean administrazio-prozedura bitartez zehazturiko prezio bat, administrazioaren eta farmazia-hornitzailearen artean negoziatua, eta are, kasu batzuetan, arrisku partekatuko akordioak edo gastu-mugarakoak, atxiki egiten direnak eta, beraz, eskuratzearen baldintzak arautzen dituztenak, eta hori Osasunbidea-Nafarroako Osasun Zerbitzuaren erosketei aplikatuko zaie”.

**Bj.** Hiru letra berri gehitzen zaizkio 7. artikulua-ren 1. apartatuari. Hona testua:

“l) Honako zerbitzu juridiko hauek:

Lehena. Abokatu bat bezeroaren legezko ordezkari aritzea, Kontseiluaren 77/249/EEE Zuzentarauko 1. artikuluko zentzuarekin, Estatu kide batean edo hirugarren herrialde batean edo nazioarteko adiskidetze- nahiz arbitraje-erakunde batean eginiko arbitraje edo adiskidetze batean, edo Estatu kide bateko nahiz hirugarren herrialde bateko jurisdikzio-organoetako prozedura judicial batean edo agintari publikoekikoan, edo nazioarteko jurisdikzio-organo edo erakundeetan.

Bigarrena. Aholkularitza juridikoa ematea, aurreko apartatuan aipaturiko prozedura baterako prestalan bezala edo aholkagai den arazoa prozedura horien xede izanen dela adierazten duen zantzu zehatza eta probabilitate handia dagoenean, baldin eta aholkularitza-lana 77/249/EEE Zuzentarauko 1. artikulua-ren zentzuan eskaintzen badu abokatu batek.

Hirugarrena. Dokumentu-ziurtatze eta autentifikaziorako zerbitzuak, notario batek eman beharrekoak.

m) Medikamentu-erosketa publikoko akordioak, foru lege honen hogeita batgarren xedapen gehigarriari jarraikiz.

n) 4.1 artikuluko b), c), d) edo e) letretan zerrendaturiko entitateetakoren batek sinaturiko kontratuak, kontratu-sinatze horien helburua izan denean eragile ekonomiko edo kontratista izaerarekin parte hartu dueneko kontratu publiko baten kariaz bere gain hartu dituen betebeharrei erantzutea”.

**Hiru.** 14. artikulua-ren izenburua aldatzen da. Testu hau izanen du: 14. artikulua. “Jardute-gaitasuna frogatzea”.

**Lau.** 14. artikuluko 1. eta 2. apartatuak aldatzen dira, eta testu hau izanen dute aurrerantzean:

“1. Adjudikazio-hartzaile izateko proposatua suertatuko den pertsonak bere jardute-gaitasuna eta ordezkartza frogatu beharko ditu foru lege honek ezarritakoari jarraikiz.

2. Berriazko legediak hala ezartzen duen kasuetan, zilegi izanen da lizitatuzaileari eskatzea froga dezala inskribatuta dagoela lanbide- edo merkataritza-erregistro batean, edo kontratuko prestazio den jardueran aritzeko gaitasuna ematen dion beste edozein zertzelada, pertsona ezarrita dagoen Estatuko araudiari jarraikiz”.

**Bost.** 16. artikulua-ren izenburua aldatzen da. Testu hau izanen du: 16. artikulua. “Kaudimen ekonomikoa eta finantzarioa”.

Sei. 16.1. artikulua aldatzen da. Testu hau izanen du:

“1. Adjudikazio-hartzaile izateko proposatua izanen den pertsona behartuta egonen da kontratua exekutatzeko kaudimen ekonomiko eta finantzarioa duela frogatzera. Kaudimen ekonomiko eta finantzariotzat ulertuko da enpresaren egoera ekonomiko eta finantzario egokia, halakoa non izaera horietako ezein gorabeherak ez duen arriskuan jarriko kontratuaren behar bezalako exekuzioa. Kaudimen ekonomiko eta finantzarioaren maila kontratu bakoitzerako zehaztuko da, eta kaudimen horren ezinbestekotasuna kontratuaren lizitazioak duen zenbatekoaren arabera eta proportzionala izanen da”.

Zazpi. 16.2.c) artikulua bigarren paragrafoa aldatzen da. Testu hau izanen du:

“c) Negozio-bolumen orokorrari buruzko adierazpena, eta, hala behar denean, kontratuaren xedearen antzekoa den jarduera-arloko negozio-bolumenari buruzkoa, eskueran dauden azken hiru ekitaldietakoa gehienez ere, lizitatu behar duenaren erate-egunaren edo jardueren hasiera-egunaren arabera, betiere negozio-bolumen horren erreferentziak eskura dauden heinean.

Urteko gutxieneko negozio bolumen exigitua ez da handiagoa izanen kontratuaren balio zenbatetsia halako bat eta erdi baino, salbu eta behar bezala justifikatutako kasuetan, hala nola obren, zerbitzuen edo horniduren izaerarekin lotutako arrisku bereziekin zerikusia dutenetan. Kasu horretan, 138.3. artikulua aipatzen duen premiei buruzko txostenean adieraziko dira betekizun hori ezartzeko arrazoi nagusiak”.

Zortzi. 16.3. artikulua aldatzen da. Testu hau izanen du:

“3. Kontratuei buruzko iragarkietan, pleguetan edo prozedura negoziatuetako gonbidapenetan, kaudimena frogatzeko zein bide erabiliko diren adieraziko da, aurreko apartatuan aipatutako artetik”.

Bederatzi. 17. artikulua izenburua aldatzen da. Testu hau izanen du: 17. artikulua. “Kaudimen tekniko edo profesionala”.

Hamar. 17.1. artikulua aldatzen da. Testu hau izanen du:

“1. Adjudikazio-hartzaile izateko proposatua izanen den pertsona behartuta egonen da kontratua exekutatzeko kaudimen tekniko edo profesionala duela frogatzera. Kaudimen tekniko edo profesionaltzat jotzen da kontratua behar bezala exekutatzeko behar den gaikuntza tekniko edo

profesionala, dela aurretik antzeko kontratuetan aritzearen esperientzia izatearen ondoriozkoa, dela behar adina langile eta bitarteko tekniko edukitzearen ondoriozkoa. Kaudimen tekniko edo profesionalaren maila kontratu bakoitzean zehaztuko da, eta kontraturiko prestazioaren ezaugarrien arabera eta proportzionala izanen da”.

Hamaika. 17.3. artikulua aldatzen da. Testu hau izanen du:

“3. Kontratuei buruzko iragarkietan, pleguetan edo prozedura negoziatuetako gonbidapenetan, kaudimena frogatzeko zein bide erabiliko diren adieraziko da, aurreko apartatuan aipatutako artetik”.

Hamabi. 18. artikuluko hirugarren paragrafoa kentzen da.

Hamahiru. 18. bis artikulua berria gehitzen da. Testu hau izanen du:

“18. bis artikulua. Kontratatzeko gaitasuna frogatzeko dokumentazioaren berrerabilera.

Gaitasunak, ordezkaritza, kaudimena eta enpresa- edo lanbide-gaikuntza frogatzen dituen dokumentazioa, kontratazio-organoak jada eskueran daukana lizitatuak aurkeztu zuelako adjudikazio-hartzaile suertatu zen lehenagoko prozedura batean, berrerabili ahal izanen da, baldin eta frogaturiko inguruabarrak ez badira aldatu eta lehenagoko prozeduraren adjudikaziotik hiru urte ez badira igaro.

Dokumentazioaren berrerabilteza kontratazio-organo bakoitzaren esparruaren barrenean aplikatu ahal da. Horretarako eskaera eginen du lizitatuak, eskaintza edo parte-hartze eskaera aurkezten duen unean, adieraziz zein den adjudikazio-hartzaile suertatu zeneko lehenagoko prozedura, zeinetako dokumentazioa erabili nahi duen, eta halaber azalduz indarrean dirautela frogaturiko baldintzek.

Berrerabili beharreko dokumentazioa aztertu ondoren, okerrekoztat edo ez-askitzat jotzen bada, eskatuko zaio zuzendu dezan, foru lege honen 51.2 artikulua ezarritakoari jarraikiz”.

Hamalau. 21. artikulua aldatzen da. Testu hau izanen du:

“21. artikulua. Kalitatea bermatzeko ziurtagiriak.

1. Exigitzen denean erakunde independenteek jaulkitako ziurtagiriak aurkez daitezela, interesduinak kalitatearen ziurtaginerako arau jakin batzuk betetzen dituela frogatzekoak, erreferentzia egin beharko diete unean-unean indarrean dauden

ziurtapenari buruzko europar arauetan oinarrituriko kalitate-ziurtapeneko sistemiei.

2. Betiere onartuko dira Europar Batasuneko kide diren beste estatu batzuetan ezarritako erakunde baimenduek jaulkitako ziurtagiri baliokideak. Halaber, kalitatea ziurtatzeko neurri baliokideei buruzko beste froga batzuk onartuko zaizkie lizitazioa izan diren pertsonen, ziurtagiri horiek eskuratu ezin badituzte edo ezarritako epean halakorik lortzeko inolako aukerarik ez badute”.

Hamabost. 24.4.a) artikulua aldatzen da. Testu hau izanen du:

“a) Kontratazio-organoak faltsutasunaren berri izan zuen egunetik, lizitazioa aitortzeagatik edo agintari eskudun batek behin betikoz horrela deklaratu izateagatik, edo kasuko informazioa Lizitazioaren Borondatezko Erregistroari jakinarazi beharko zitzaion egunetik, 22.1 artikuluko i) letraren kasuan”.

Hamasei. 39.2. artikulua aldatzen da. Testu hau izanen du:

“2. Prestazio bat edo batzuk, elkarrekin zerikusia dutenak, banatuta erabili edo aprobetxatzeko modukoak badira, edo xedearen izaerak hala eskatzen badu, zilegi izanen da halako bakoitzaren banakako kontratazioa aurreikustea, prozedura beraren barnean sortak antolatuz, betiere bakoitzak unitate funtzional bakarria osatzen badu”.

Hamazazpi. 39.3. artikulua aldatzen da. Testu hau izanen du:

“3. Kontratu baten xedea ezin izanen da zatikatu haren zenbatekoa murrizteko eta, halatan, publizitate baldintzak edo jarraitu beharreko adjudikazio prozedura saihesteko”.

Hemezortzi. 41.2. artikulua aldatzen da. Testu hau izanen du:

“2. Sortakako banaketa egiten denean, sorta edo prestazio berezi bakoitzaren adjudikazioari aplikatu behar zaizkion prozedura- eta publizitate-arauak multzoaren balio metatuaren arabera zehaztuko dira, salbu eta 7. artikuluan aurreikusitako salbuespenen bat gertatzen denean”.

Hemeretzi. 41.4.b) artikuluko azken paragrafoa kentzen da.

Hogeji. 43.3. artikuluariko paragrafo berri bat eransten zaio. Testu hau izanen du:

“Guztizko zenbatekoa lizitazio-unean zehaztasunez finkatuta egon gabe prezio unitariorik egiten diren kontratuetan, lizitazioaren zenbatekoa emaitza gisa lortuko da gehieneko unitate-prezioa

biderkatuz kontratuaren hasierako aldirako kalkulaturiko unitate-kopuruarekin, bazter utzirik aldateak, aukerak eta luzapenak. Kasu honetan, adjudikazio-zenbatekotzat joko da emaitza gisa lorturikoa, eskaintako unitate-prezioa biderkatuz aurreikusitako kontsumo-unitateen kopuruarekin, kopuru hori kalkulaturik kontratuaren balio zenbatetsia kalkulatzearren, bazter utzirik kontratuaren balizko luzapenak eta aldaketa edo aukerak”.

Hogeita bat. 44.1. artikuluariko letra berri bat gehitzen zaio. Testu hau izanen du:

“ñ) Adjudikazio-hartzaileak kontratuaren xede diren prestazioei dagozkien jarduerak, lanbideak eta profesioek dituzten printzipioak, arauak eta kanon etikoak beteko ditu, une oro inpartzialtasunez, fede onez eta bere profesio edo gremioaren kode deontologikoaren arabera jardunez. Kontratu-prozeduraren edozein fasetan ezaguturiko informazio konfidentziala ez du erabiliko edo inolako abantaila edo onura bat zuzenean nahiz zeharka lortzeko, ez bere interes propioan ez eta hirugarren pertsonenean. Bereizki zainduko du pleguetan exekuzio-baldintza berezi gisa sartuak izan diren gizarte- edo ingurumen-klausulak behar bezala betetzen direla, eta kontratua beteko du konprometiturik bere lana lagungarri izatea interes orokorrari erantzuteko, eta kontratu-aldaketa eragitea ekidinez, aldaketa hori legez aurreikusitako kasuetan baizik ezin baita egin”.

Hogeita bi. 44.2. artikulua aldatzen da. Testu hau izanen du:

“2. Zilegi izanen da kontratuan estipulazio gehigarriak jasotzea, pleguetan edo adjudikazio-hartzailearen eskaintzan bildutakoez gain, baldin eta bi alderdiak ados egon eta estipulazio horiek ez badute adjudikazio-hartzailearentzako eskubide gehigarriak ezartzen, ez eta kontratuaren baldintzak halako moduan aldatzen ere non, gainerako interesdunek ezagutuak izanez gero, haiek egini-ko eskaintzaren edo haiek prozeduran izandako interesaren aldaketa eragin ahalko baitzuten. Baldintza horiek ez badira betetzen, erabat deuseztat eta jarri gabekotzat joko da klausula, kontratistarentzako inolako konpentsazio-eskubiderik gabe”.

Hogeita hiru. 45. artikuluariko 4. apartatua kentzen da.

Hogeita lau. 49.3. artikulua aldatzen da. Testu hau izanen du:

“3. Lizitazioan interesa dutenek Kontratazio Atariaren bidez lortuko dute pleguei buruzko informazio gehigarria eta gainerako dokumentazio

osagarria, eskatu eta hiru eguneko epean, salbu eta lizitazioa arautzen duten pleguetan beste epe bat ezartzen bada. Eskaintzak aurkezteko epearen azken 3 egunen barruan eginiko informazio-eskaera batek ez du behartuko epe hori luza-tzera”.

Hogeita bost. 50. artikulua aldatzen da. Testu hau izanen du:

“50. artikulua. Kontratazio mahaiaren esku-hartzea.

1. Kontratazio Mahaia kide anitzeko organo independentea da, eta haren kideak kontratazio-organoren mendeko langile izanen dira. Horieta-ko batek zuzenbidean lizentziatua edo graduatua izan beharko du eta idazkaritza-zereginak beteko ditu; halaber egonen dira kasuko arloan eskudun diren langile teknikoak, eta kontrol ekonomikoaren eginkizuna esleituta daukaten langileak. Salbuespen gisa, eta espedientean justifikatu ondoren, administrazioetik kanpoko pertsonak mahaikide tekniko izendatzen ahalko dira, kontratuko jardueraren sektorean esperientzia dutenak.

Halaber, teknikari horiek aholkulari izendatzen ahalko dira, eta hizpidearekin baina botorik gabe esku hartzen ahalko dute.

2. Mahaiko kideen hautaketa Nafarroako Kontratazioaren Atarian argitaratu beharko da. Hautaketa iraunkorra izan daiteke edo berariazkoa, kontratu bat edo gehiago adjudikatzeko. Kontratazio Mahaia osatzen duten pertsonen administrazio-prozedurari buruzko legedian ezarritako abstentzio- edo errekusazio-kausak aplikatuko zaizkie, eta prozedura bakoitzean espresuki adierazi beharko dute ez dagoela interes finantzario, ekonomiko edo pertsonalekin loturiko kausarik, haien inpartzialtasuna eta independentzia kontratazio-prozeduran kolokan jartzen duenik.

3. Kontratazio Mahaia bere funtzioak bete ahalko ditu dagozkion eginkizunak mahaikideen artean banatuz, haien espezializazio teknikoaren eta ezagutzen arabera, halako moduz non eginkizunak betetzeko ez baita beharrezkoa izanen Mahaia osatzen duten pertsona guztien edo batzuen elkarretaratze fisiko edo telematikoa. Mahaiburuaren funtzioa izanen da mahaikide bati edo batzuei eginkizunak esleitzea, horiei guztiei jakinarazirik erabaki hori.

4. Mahaikide batek edo batzuek banaka egini-ko jarduketa guztiak mahaikide-multzo guztiaren irizpenari aurkeztuko zaizkie, eta haiek onespina eman beharko diete, batera nahiz bata bestearen ondoren. Kontratazio Mahaia osatzen duten pertsonen bermatu egiten zaie beren iritzia emateko

eskubidea, gehiengoaren aurkakoa denean, eta aurkako iritzi hori modu arrazoituan aktan jasoa izatekoa, eta, halaber, Mahaiburuari eskatzekoa bilera presentzial nahiz telematikorako deialdia egin dezan, non kide anitzeko organoek dagozkien parte-hartze erregelak aplikatuko baitira, kasuan kasuko aferak tratatzeko.

5. Kontratu publikoak adjudikatzeko kontratazio mahai bat osatu beharko da 60.000 euro baino gehiagoko balio zenbatetsia dutenean, zerbitzu eta hornidura kontratuen kasuan, eta 200.000 euro baino gehiagokoa dutenean, obra kontratuen kasuan.

Emakida kontratuak adjudikatzeko, beti nahitaezkoa izanen da kontratazio mahai bat eratzea.

Balio zenbatetsia, BEZik gabe, 10.000.000 euro baino gehiagokoa duten kontratuetan, kontratazio mahaiaren egonen da, aurrekoek gainera, Nafarroako Kontratazio Publikorako Batzordeak hautatutako ordezkari bat, kontratazio organoak eskatuta”.

Hogeita sei. 51. artikulua aldatzen da. Testu hau izanen du:

“51. artikulua. Kontratazio Mahaiaren eginkizunak.

1. Kontratazio Mahaiaren funtzioak edo, kasua bada, kontratuaren unitate kudeatzailearenak, honakoak dira:

a) Nortasunaren eta, halakorik denean, ordezkariaren egiaztagiria kalifikatzea, bai eta kontratatu ezin izateko arrazoiei dagozkien agiria ere.

b) Kaudimen ekonomiko eta finantzarioa nahiz gaitasun tekniko edo profesionala balioestea.

c) Hautagaitza aurkeztu duten parte-hartzaileak onartu eta, kasua bada, aukeratzea, horrela aurreikusten den prozeduretan, eta eskaintza aurkezteko gonbidapena egitea.

d) Eskaintza teknikoaren balorazioa.

e) Eskaintzak irekitzea eta aurkezturiko informazioari dagokionez gertatzen diren gorabehera guztiak ebaztea.

f) Eskaintzaren bat baxuegia ote den baloratzea, eta hori onartzea edo baztertzea, foru lege honetan ezarritako prozedura izapidetu ondoren.

g) Adjudikazio proposamena jasoko duenari eskatzea pleguaren arabera beharrezkoa den dokumentazioa aurkez dezala.

h) Kontratuak adjudikatzeko proposamena egitea kontratazio organoari.



i) Proposamenak kalifikatu eta baloratzeko behar diren eginkizun guztiak, bai eta adjudikaziorako proposamena egiteko behar direnak eta legetan ematen zaizkion gainerakoak ere.

2. Kontratazio Mahaiak edo, kasua bada, unitate kudeatzaileak akats zuzengarriak atzematen baditu nortasuna, gaitasuna edo kaudimena frogatzeko dokumentazioan, edo ilunak eskaintzaren edukian, berdintasun- eta gardentasun-printzipioei eragin gabe argitzeko modukoak direnak, horiek zuzentzeko 5 eguneko gutxieneko epea emanen dio ukitutako pertsonari, eta ohartaraziko dio ezen, hala egin ezean, ez dela onartuko.

3. Kontratazio Mahaiak edo, kasua bada, unitate kudeatzaileak, zilegi izanen dute, beren proposamena egin aurretik, beharrezkotzat jotzen dituzten txosten guztiak eskatzea, kontratuaren xedearekin zerikusia dutenak”.

Hogeita zazpi. 53.1. artikulua aldatzen da. Testu hau izanen du:

“1. Proposamenek, zeinetan sartuta egonen baitira bai eskaintza teknikoak, egonez gero, bai eskaintza ekonomikoak, bat etorri beharko dute lizitazioa arautzen duten pleguekin, eta proposamen-aurkezteak esan nahi du haiek inolako salbuespenik edo erreseerbarik gabe onartzen direla”.

Hogeita zortzi. 53.2. artikulua aldatzen da. Testu hau izanen du:

“2. Proposamenak isilekoak izanen dira ireki arte, horrek ezertan galarazi gabe enkante elektronikoko batean, negoziazio batean edo lehia-elkarrikeria batean parte hartzen dutenei eman behar zaien informazioa”.

Hogeita bederatzia. 55.1. artikulua aldatzen da. Testu hau izanen du:

“1. Proposamenei erantzukizunpeko adierazpen bat erantsi beharko zaie, lizitatuak sinatua. Adierazpen horren edukia ez da isilekoa izan, eta balio-iritziak aplikatuz balioetsiriko dokumentazioari erantsiko zaio, halakorik egonez gero, edo formula-aplikazioaren bitartez balioestekoa den eskaintza osatzen duen dokumentazioarik baldin eta adjudikazio-irizpide guztiak mota horretakoak badira. Adierazpenean lizitatuak buruz zehaztu beharko da:

a) Gaitasun juridikoari eta jarduteko gaitasunari dagozkien baldintzak betetzen dituela eta, hala bada, sinatzaileak behar den ordezkari izaera baduela.

b) Kaudimen ekonomiko, finantzario eta tekniko edo profesionalaren arloko baldintzak betetzen dituela.

c) Kontratatzeko debeku egoeran ez dagoela. Adierazpen horretan halaber esanen da indarrean dauden xedapenek ezarritako zerga-betebeharren eta Gizarte Segurantzarekiko betetzea egunean duela.

d) Kontratuaren xede diren prestazioak exekutatzeko gainerako lege baldintzak betetzen dituela, bai eta kontratazio pleguetan ezarritakoak ere.

e) Espainiako edozein ordenatuko epaitegi eta auzitegien jurisdikzioaren mende jartzen dela gorabehera guztietarako, legokiokoen jurisdikzio-foruari uko eginik, atzerriko enpresen kasuan.

f) Beste entitate batzuen idatzizko konpromisoa daukala bitartekoak atxikitzeaz edo baliabideak erabiltzeaz, hala denean”.

Hogeita hamar. 55. artikuluari apartatu berri bat gehitzen zaio, testu honekin:

“9. Salbuespenez, eta justifikazio-txostenean zehaztuta egon beharko diren arrazoiengatik, zilegi izanen da interesdun guztiei eskatzea artikulua honen 1. apartatuan jasotako zertzeladetatik edozein frogatzea, eskaintzak balioesteari ekin baino lehenagoko urrats gisa, edo lizitatuak edozeini, prozeduran zehar. Kasu horretan, erabakia hartzea Kontratazio Mahaiari dagokio edo, kasua bada, unitate kudeatzaileari, eta arrazoiak idatziz adierazi beharko dira”.

Hogeita hamaika. 59.2. artikulua e) letra aldatzen da. Testu hau izanen du:

“e) Adjudikazio-hartzaile izateko proposatua izan den pertsonak kontrataziorako baldintzak egiazki betetzen dituela frogatzeko aurkeztu beharko duen dokumentazioa”.

Hogeita hamabi. 70.3. artikuluari bi letra berri gehitzen zaizkio. Testu hau izanen dute:

“d) Prezioan atxikipena eginez, pleguak hori espresuki ezartzen badu. Kasu horretan, pleguak adieraziko du ea atxikipena osoki aplikatuko den lehen eta ondorengo ordainketetan, beharrezkoa den kopururaino iritsi arte, edo faktura guztietan aldizkako atxikipena proportzionaliki eginez.

e) Aurrekoen konbinazio baten bidez, pleguak ezartzen dituen baldintzetan”.

Hogeita hamahiru. 75. artikuluari 4. apartatu gehitzen zaio, testu honekin:

“4. Espedientearen izaeratik beragatik edo, salbuespenez, espedientearen inguruabarrengatik, lehia posible ez den kasuetan, ezintasun horren arrazoiak justifikazio-txostenean adieraziko dira, zeinak agertuko baititu erantzun nahi zaien

premien izaera eta hedadura, horiek asetzeari nola doitzen zaien xedea, eta adjudikazio-hartzailea kontratatzeko hautaturiko prozeduraren justifikazio xehakaturia.

Kasu horietan, eskaintza jasotzeko ez da beharrezkoa izan kontratazio-mahaiaren parte-hartzea, ez eta Nafarroako Lizitazio Elektronikoa-ren Plataforma erabiltzea ere. Espedientean jaso beharrekoak dira kontratua exekutatzeko baldintzak eta adjudikazio-hartzaileak idatziz adierazitako onarpena. Zilegi izan da egintza bakarrean espedientea eta gastua onetsi eta kontratua adjudikatzea”.

Hogeita hamalau. 81. artikuluari 3. apartatu berri bat gehitzen zaio, testu honekin:

“3. Horniduren eta segidako zerbitzu-emateen kasuan, prozedura honen erabilera posible izan da, bakarrik, baldin balio zenbatetsia, hurrengo 48 hilabeteetarako aurreikusitako gastua aintzat harturik, ez bada handiagoa artikulua honen lehen puntuan adierazitako kantitatea baino”.

Hogeita hamabost. 88.2.d) artikulua aldatzen da. Testu hau izanen du:

“d) Adjudikatu gabe utzitako kontratuak eta deuseztaturiko lizitazio eta adjudikazioak, emaitza horietara eraman duten arrazoiak adierazita”.

Hogeita hamasei. 89.1. artikulua aldatzen da. Testu hau izanen du:

“1. Europar Batasunaren Aldizkari Ofizialean iragarkia argitaratu beharko da, Europar Batasunak ezarritako prozedura eta eredu ofizialei jarraituz, kontratu bat, esparru-akordio bat edo erosketasistema dinamiko bat egiteko, baldin eta haren balio zenbatetsiak ondoko gutxienekoak adinakoa edo horiek baino gehiagokoak badira:

a) 214.000 euro hornidura- eta zerbitzu-kontratuetan, salbu eta apartatu honen c) letrakotan.

b) 5.350.000 euro obra-kontratuetan, herri-lanen emakidakoetan eta zerbitzu-emakidakoetan.

c) 750.000 euro foru lege honetako 37. artikuluan aipatzen diren gizarte zerbitzuen kontratuetan”.

Hogeita hamazazpi. 95.2. artikulua aldatzen da. Testu hau izanen du:

“2. Kontratu publikoek adjudikatuak izateko beharrezkoa duten prozedura ez baldin bada zenbateko txikiko kontratuen araubide berezikoa edo beren izaeragatik lizitatzailerik bakar bat egon daitekeeneko foru lege honen 75.1. artikuluko kasueta-

koa, horien lizitazioa Nafarroako Lizitazio Elektronikoa-ren Plataformaren bidez eginen da”.

Hogeita hemezortzi. 95.3. artikulua aldatzen da. Testu hau izanen du:

“3. Nafarroako lizitazio elektronikoa-ren plataforman aurkeztuko da abian diren lizitazioei dagokien dokumentazio guztia, dokumentazioa ireki arteko konfidentzialtasun-bermearekin; horrez gain, kontratuaren unitate kudeatzailearekin edo, kasua bada, Kontratazio Mahaiarekin kontaktatuko da, prozedura barnean eskatutako eskaintza-zuzenketak egin edo eskaintzari buruzko argibideak emate aldera, eta eskaintzak irekiko dira, prozedurak horretara behartzen duenean. Kontratazio publikoko ondorio guztietarako, foru lege honen aplikaziopean dauden entitate guztien egoitza elektronikoa eta erregistro laguntzaile bezala tankeztatuko da”.

Hogeita hemeretzi. 96. artikulua aldatzen da. Testu hau izanen du:

“96. artikulua. Parte-hartzaileen onarpena.

Eskaintzak aurkezteko epea amaituta, proposamenak irekiko dira, eta egiaztatuko da ea aurkeztu ote den prozeduran lizitatu dutenek parte-hartze baldintzak betetzearen adierazpena, pleguan ezarritakoari jarraikiz.

Baldin eta, salbuespen gisa, eskatu bada aurretiaz frogatzea kontratatze baldintzak, edo nortasuna, gaitasuna, kaudimen ekonomiko eta finantzario eta tekniko edo profesionala frogatzeko dokumentazioan zerbait falta bada edo zalantzarik sortzen badu, ukitutako pertsonari eskatuko zaio aurkeztu dituen ziurtagiri eta agiria osatu edo zuzentzeko. Horretarako, bost eguneko epea emanen zaio gutxienez.

Baldin eta, zuzenketa-epea iraganik, eskatutako informazioa osatu ez bada, lizitatzailerik prozeduratik kanpo utziko da, eta agiri bidez jasoko da horren berri. Kanporatze horrek arrazoitua beharko du izan eta, interesdunari jakinarazten bazaio, gutxienez jasoko ditu hautagaitza edo eskaintza bat errefusatu izanaren arrazoiak, eta bidezko diren aurkaratze-bitartekoak eta -epeak”.

Berrogei. 97. artikulua aldatzen da. Testu hau izanen du:

“97. artikulua. Eskaintzak irekitzea eta balortzea.

Lizitatzailerik hautatzeko izapidea duten prozeduretan, izapide hori beste edozein jarduketa baino lehenago eginen da, pleguetan ezarritako irizpideei jarraikiz. Horretarako, hautatze-faserako dokumentazioa proposamenetik bereizita aurkeztu

beharko da. Hurrenkera hori Nafarroako Lizitazio Elektronikoen Plataforman frogatuta geratu beharko da.

Eskaintza teknikoak osoki nahiz partzialki balio-iriztiak aplikaturik balioetsia izateko denean, bereiz aurkeztuko dira irizpide horietarako den eskaintza-dokumentazioa eta formulen bitartez zenbatestekoak diren irizpideetarako.

Balio-iriztien aplikazioari loturiko irizpideen ebaluazioa barne ekitaldi batean egingen da; bertan, teknikoki desegokiak diren eskaintzak edo kontratuaren behar bezalako exekuzioa modu egokian bermatzen ez dutenak bazter uzten ahalko dira. Horren guztiaren berri agiri bidez jaso beharko da.

Nolanahi ere, formula bidez zenbatestekoak diren irizpideetarako dokumentazioa irekiko da balio-iriztien aplikazioari loturiko irizpideetarako dokumentazioa ireki eta balioetsi ondoren.

Hurrenkera hori Nafarroako Lizitazio Elektronikoen Plataforman frogatuta geratu beharko da.

Baldin eta Kontratazio Mahaiaren iritziz edo, kasua bada, unitate kudeatzailearen iritziz, aurkeztutako eskaintzaren bat iluna edo zehaztugabea bada, argibide osagarriak eskatu ahal izanen ditu, betiere lizitatuaren arteko tratu berdintasunaren printzipioa errespetatuz. Lizitatuak ezin izanen dute aurkeztutako eskaintza aldatu. Erantzutako epea gutxienez bost eguneko eta gehienez hamar eguneko izanen da”.

**Berrogeita bat.** 98.1. artikulua aldatzen da. Testu hau izanen du:

“1. Pleguan ezarriko dira eskaintza bat, lizitazio prezioaren edo aurkeztutako gainerako eskaintzen erreferentzia hartuta, baxuegiztat hartzeko baldintzak, prestazioaren xedea eta merkatuko baldintzak kontuan hartuta.

Aurkezturiko eskaintza baxuegi batek pentsarazten duenean ez dela erregulari beteko, eskaintza errefusatu baino lehen horren berri emanen zaio kasuko pertsonari, egoki deritzon justifikazioa aurkez dezan bost eguneko epean.

Lizitatuak zuzendutako informazio-eskaera argiro adierazi beharko da, halako moduan non eskaintzaren bideragarritasuna guztiz eta behar bezala justifikatzeko moduan egonen baita, eskaintzaren baxuegitasuna zein parametrotan oinarriturik definitu den zehazturik”.

**Berrogeita bi.** 98.3. artikulua aldatzen da. Testu hau izanen du:

“3. Kontratazio-mahaiak edo, kasua bada, unitate kudeatzaileak lizitatuak emandako informazioa ebaluatuko du, eta eskaintza atzera botatzen ahalko du soilik aurkeztutako agiriek ez badute modu egokian justifikatzen proposatutako prezioa edo kostuak.

Prozeduran beharrezkoa izanen da aholkularitza teknikoak eskatzea, justifikazioan jasotako zertzeladak balioesteko egokiztat jotzen den jakintza daukaten pertsonena”.

**Berrogeita hiru.** 98.4. artikulua aldatzen da. Testu hau izanen du:

“4. Edonola ere, eskaintzak baztertuko dira egiaztatzen bada baxuegiak direla azpikontratuari buruzko araudia urratzen dutelako edota ez dituztelako betetzen ingurumen, gizarte edo lan arloetan aplikatzekoak diren betebeharrak, nazionalak edo nazioartekoak, indarreko hitzarmen kolektibo sektorialen ez-betetzea barne, foru lege honetan ezarritakoari jarraikiz”.

**Berrogeita lau.** 100.1. artikulua aldatzen da. Testu hau izanen du:

“1. Kontratazio organoak hilabeteko gehieneko epean adjudikatuko du kontratua eskaintza ekonomikoa irekitzeko ekitalditik hasita, non ez den beste epe bat ezarri agiritan.

Epe horietan adjudikazioa ematen ez bada, lizitazioaren parte hartzeko onartutako enpresek beren proposamenak bertan behera uzten ahalko dituzte inolako zigorrik jaso gabe.

Baldin lizitatuak diren enpresek eskaintza ekonomikoa irekitzen direnetik hilabete bat igaro baino lehen erretiratu egiten badute beren eskaintza, lizitazio-zenbatestekoaren % 2ko zigorra jarriko zaie, behin-behineko bermearen kargura kobratuko dena, halakorik badago, edo berariazko ordainketa-gutuna jaulkiz”.

**Berrogeita bost.** 101.2. artikulua aldatzen da. Testu hau izanen du:

“2. Adjudikazioaren eraginkortasuna arau hauei jarraikiz geldituko da etenda:

a) Hamar egun naturaleko epean zehar, adjudikazioaren jakinarazpenaren igorpen-egunetik kontatzen hasita, baldin eta igorpen hori bitarteko elektronikoen bidez egiten bada.

b) Hamabost egun naturaleko epean zehar, adjudikazioaren jakinarazpenaren igorpen-egunetik kontatzen hasita, baldin eta igorpen hori bitarteko ez-elektronikoen bidez egiten bada.

Horretarako, adjudikazio-jakinarazpenaren igorpena zer egunetan eta zer bidetatik egin zen azaltzen duen froga bat egon beharko da.

Prozeduran interesdun diren pertsona guztiek esanbidezko adierazpen bat egiten badute, non Nafarroako Kontratu Publikoen Administrazio Auzitegiari erreklamazioa aurkezteari uko egiten diotela baieztatzen duten, etenaldia garaiz aurretik amaituko da, eta prozedurak aurrera jarraitu ahal-ko du.

Halaber, eskaintza bakarra aurkeztu den lizitazio-deialdidun prozeduretan, ez da apartatu honek aipaturiko etenaldia aplikatuko, eta zilegi izanen da prozeduraren izapidetzeak aurrera segitzea”.

Berrogeita sei. 101.3. artikulua aldatzen da. Testu hau izanen du:

“3. Adjudikazio-egintza eten eginen da kontratazio publikoaren arloko erreklamazio bat aurkezte hutsagatik, harik eta erreklamazio hori ebatzi arte edo ebazteko legezko epea igaro den arte”.

Berrogeita zazpi. 101.6. artikulua aldatzen da. Testu hau izanen du:

“6. Kontratuak agiri administratiboan formalizatu dira bost egun naturaleko epean, adjudikazio-etenaldia amaitzen denetik zenbatuta, salbu eta pleguak epe luzeagoa aipatzen badu. Agiri administratiboan formalizatutako kontratuak edozein erregistro publikotan sarrera izateko bezainbesteko titulu izanen dira”.

Berrogeita zortzi. 102.1. artikulua 1. paragrafoa aldatzen da. Testu hau izanen du:

“1. Kontratu-adjudikazioak, salbu eta zenbateko txikiko kontratuak adjudikatzeke araubide bereziaren bidez egiten direnak, Nafarroako Kontratazio Atarian argitaratuko dira, bost eguneko epean, kontratu-adjudikazioaren eraginkortasunaren etenaldia amaitzen denetik hasita bost eguneko epean. Lizitazio-iragarkirik argitaratu ez deneko kontratu-adjudikaziorako iragarkietan horretarako justifikazioa ematen duen azalpen labur bat erantsiko da, egitatezko inguruabarrak eta zuzenbideoinarriak aipatzen dituen”.

Berrogeita bederatzia. 102.4. artikulua aldatzen da. Testu hau izanen du:

“4. Kontratazio-organismoek idatzizko txosten bat prestatuko dute obra-, hornidura- edo zerbitzu-kontratu edo esparru-akordio bakoitzari buruz, bai eta erosketa-sistema dinamiko bat ezartzen duten bakoitzean ere.

Foru lege honen 88. artikuluan aipaturiko iragarkiak argitaratzea, ezarritako epeetan eta for-

malitateekin, nahikoa izanen da apartatu honen lehen paragrafoak aipatzen duen txostena prestatzeko betebeharra betetzat jotzeko, baldin eta guxtienez ere honako informazio hau biltzen badute:

a) Adjudikazio-boterearen izena eta helbidea, eta kontratuaren, esparru-akordioaren edo erosketa-sistema dinamikoaren xedea eta prezioa.

b) Kasua bada, hautaketa kualitatiboaren edo eskaintzen eta soluzioen kopuruaren murriztapenaren emaitzak, foru lege honek prozedura murrizturako, negoziatuz lizitazioarenerako, lehia-elkarrizketarenerako eta berrikuntzarako elkartzearenerako ezartzen duenari jarraikiz. Zehazki:

1. Hautaturiko hautagaien edo lizitatzailen izenak eta haien hautaketa justifikatzen duten arrazoiak.

2. Bazter utzitako hautagaien edo lizitatzailen izenak eta haien bazterketa justifikatzen duten arrazoiak.

c) Baxuegitzat jotako eskaintzak baztertu izanaren arrazoiak.

d) Adjudikazioi-hartzailearen izena eta haren eskaintza onartu izanaren arrazoiak; bai eta, eza-guna baldin bada, adjudikazio-hartzaileak hirugarrenekin azpikontratatzeko asmoa duen kontratu-partea edo esparru-akordioaren parte; eta, baldin badaude eta une horretan ezagunak baldin badira, kontratista nagusiaren azpikontratisten izenak.

e) Negoziatuz lizitazioko prozeduretarako eta lehia-elkarrizketako prozeduretarako, zer inguruabarrek justifikatzen duten prozedura horiek erabiltzea.

f) Aurretiazko argitarapenik gabeko prozedura negoziatuei dagokienez, zer inguruabarrek justifikatzen duten prozedura hori erabiltzea.

g) Kasua bada, adjudikazio-botereak zer arrazoiengatik erabaki duen kontratu edo esparru-akordio bat ez adjudikatzea edo egitea, edo uko egin dion erosketa-sistema dinamiko bat ezartzeari.

h) Kasua bada, zer arrazoiengatik erabili diren elektronikoz bestelako komunikabideak eskaintzen aurkezpen elektronikorako.

i) Kasua bada, detektaturiko interes-gatazkak eta horiei dagokienez harturiko neurriak.

j) Kasua bada, enpresek kontratuko dokumentuak prestatze aldera aurretiaz izandako parte-hartzean zer neurri hartu diren”.

Berrogeita hamar. 108. bis artikulua berria sartzeko da. Testu hau izanen da:

“108. bis artikulua. Kontratu-betetzeari buruzko ebaluazio-txostena.

Kontratua amaitzen denean, unitate kudeatzaileak txosten bat eginen du ofizioz, kontratuaren betetze egokiari buruzkoa, eta txosten hori Nafarroako Kontratazioaren Atarian argitaratuko du. Kontratista nagusiarentzat jaulkitzen diren betetze egokiari buruzko txostenek aipatuko dituzte kontratuaren betetzealdian zehar egondako lagatze- eta azpikontratatzeko- portzentajeak, eta gero batean izanen diren lizitazioetan kaudimena frogatzeko balioko dute, kontratazio-organuari berriazko ziurtagiria eskatzeko beharrik gabe frogatu ere.

Txosten hori ez argitaratzeak aditzera emanen du kontratazio-organoa goganbehartsu dela kontratu-betetze egokiari buruz.

Betebehar hori ez da egonen munta txikiko gastuetarako prozedura bereziaren bidez adjudikaturiko kontratuetan”.

Berrogeita hamaika. 116.1.b) artikulua aldatzen da. Testu hau izanen da:

“b) Kontratatik kaudimen ekonomiko eta finantzario, tekniko edo profesionalik ez izatea”.

Berrogeita hamabi. 116.2.b) artikulua kentzen da.

Berrogeita hamahiru. 125.1. artikulua aldatzen da. Testu hau izanen da:

“1. Kontratu publiko baten lizitazioan eta adjudikazioan interesa dutenek Nafarroako Kontratu Publikoaren Administrazio Auzitegiari eskatu ahal izanen diote, aurreko artikuluan ezarritako epeetan, alegatutako arau-haustea zuzentzeko edo ukitutako interesei kalte gehiago ez eragiteko kautelazko neurriak har daitezela, prozeduraren edo prozedura horretan hartutako edozein erabakiren etetea barne direla, baldin eta aipaturiko kasuetan ez bada gertatzen egintza aurkaratuaren etete automatikoa, foru lege honen 124.4 artikulua aurreikusia”.

Berrogeita hamalau. 125.3. artikulua aldatzen da. Testu hau izanen da:

“3. Nafarroako Kontratu Publikoaren Administrazio Auzitegiak kontratuaren administrazio espedientearen edo dokumentazioaren eskatuko dio ukitutako entitateari. Kontratazio organoak bi egun balioduneko epea izanen du hori aurkeztu eta egokitzat jotzen dituen alegazioak egiteko. Epe hori iraganik, eskatutako dokumentazioa aurkeztu

zein ez, Nafarroako Kontratu Publikoaren Administrazio Auzitegiak ebatzen arrazoitua emanen du bost egun balioduneko epean. Epe horretan berriazko ebatzpenik jakinarazi ezean, eskaera ezetsi egin dela ulertuko da, non ez den egintzaren bat edo lizitazio prozedura eteteko eskatzen; halakoe-tan, epearen barrenean ebatzpenik jakinarazten ez bada, etenduraren eskaera onartu egin dela ulertuko da.

Apartatu honetan xedatutakoak ez du eragotziko izapidetze-egintzen, adjudikazio-egintzaren, esparru-akordio baten edo ente instrumental bati egindako enkarguaren etete automatikoa, egintza horien aurka kontratazio publikoaren arloko erreklamazio berezi bat aurkeztzen denean”.

Berrogeita hamabost. 126.1. artikulua aldatzen da. Testu hau izanen da:

“1. Erreklamazioa telematikoki aurkeztuko da, Nafarroako Kontratazioaren Atarian, Nafarroako Kontratu Publikoaren Administrazio Auzitegiari zuzendua, erregelamenduz zehazten diren baldintzak betez, foru lege honetan ezarritako epeetan.

Interesdunak kontratazio-espedientearen erreklamazioa aurkeztu aurretik nahi badu aztertu, horretarako eskaera egin beharko dio kontratazio-organuari, zeina behartuta egonen baita erakustera, ezertan eragotzi gabe foru lege honen 54.1 artikuluan aurreikusitako konfidentialtasun-mugak.

Espedienterako irispidea izateko eskaera erreklamazio berezia aurkezteko epearen barrenean egin beharko da, eta kontratazio-organoa behartuta egonen da irispide hori ematera eskaera jaso ondoko hiru egun balioduneko epean.

Lehenago xedatua kontratazio-organok ez badu betetzen, interesdunak ez dira salbuetsita geratuko erreklamazio berezia foru lege honen ezarritako epean aurkezteko daukaten betebeharririk. Dena den, erreklamaziorik ez zuzentzen du bere erreklamazioan ez-betetze hori alegatzea. Auzitegiak zuzentzen du, ikusirik erreklamaziorik ez zuzentzen du, alegaturikoa eta aintzat harturik kasuko inguruabarrak, erreklamaziorik ez zuzentzen du, irispidea ematea kontratazio-organok eskueran ipinitako kontratazio-espedienterako, erreklamazioa osatzeko alegazioak aurkeztu aurretik. Kasu horretan, kontratazio-organok halaber zuzentzen du bi egun balioduneko epean alegazio berriak aurkezte”.

Berrogeita hamasei. 138. artikulua aldatzen da. Testu hau izanen da:

“138. artikulua. Izapidetze arrunteko kontratazio espediente”.

1. Edozein kontratu egin aurretik, munta txikikoen kasuan izan ezik, kontratazio-espedita bat izapidetu beharko da, osatuta egonen dena, foru lege honetan aurreikusitako salbuespenak salbuespen, 3. apartatuan aipatzen diren dokumentuekin. Espedita horretan justifikatuko da kontratuaren xede diren prestazioak zergatik diren beharrezkoak edo komenigarriak helburu publikoak betetzeko.

2. Kontratuak prestatuko dira beren xedearen arabera eskudun den unitatearen kontrolaren eta erantzukizunaren pean. Unitate horri, foru lege honen ondorioetarako, kontratua kudeatzen duen unitatea deituko zaio.

3. Kontratazio espedita kontratuaren unitate kudeatzaileak egindako txosten arrazoitu baten bidez hasiko da, zeinean azalduko baitira ase nahi diren beharren izaera eta neurria, xedearen egokitasuna beharrik auzeratzeko, kontratuaren xede diren prestazioen ezaugarriak eta balio zerbatezia, prezioa merkatuarekin bat datorren, kontratazioarako prozeduraren hautaketa eta, kasua bada, kaudimen irizpideak, adjudikazio irizpideak, eta kontratuaren xedearekin duten lotura, bai eta ondasun edo zerbitzuen hartzaile diren pertsonen beharrezkoak eta haien inguruabarrak ere, eta beharrezkotzat jotzen diren beste guztiak. Kontratazio-espedita honakoak ere jasoko ditu, beharri buruzko txostenaz gain:

- a) Kontratazioaren plegu arau-emaileak.
- b) Kreditu-erreserbaren dokumentua, prozedura erraztuan eta lizitazio deialdirik gabeko prozedura negoziatuan.
- c) Txosten juridikoa.
- d) Kontu-hartzailearen fiskalizazioa.

4. Kontratua prestatzeko fasea buruturik, salbu eta prozedura erraztuan eta lizitazio-deialdirik gabeko prozedura negoziatuan, kontratazio organoak ebatzen arrazoitua emanen du espedita onesteko eta adjudikazio prozedurari hasiera ematea xedatzeko. Ebatzen horretan gasturako baimena ere jasoko da.

5. Jatorri desberdinetako ekarpenekin finantzatuko diren kontratuei dagokienez, espedita egiaztatu beharko dira horien guztien eskuragarritasuna eta horien ordainketaren ordena”.

Berrogeita hamazazpi. 139.2. artikulua aldatzen da. Testu hau izanen du:

“2. Kontratu bakar gisa adjudikatzen ahalko dira urte anitzeko izaerakoak diren diru-laguntzen menpeko finantzaketa duten kontratuak, prozedura irekiaren nahiz murriztuaren bidez eta aurreiku-

sirik kontratua diru-laguntzen erritmoaren arabera bete dadila”.

Berrogeita hemezortzi. 141.2. artikulua aldatzen da. Testu hau izanen du:

“2. Kontratu-hartzaileak organo kontratazailearen aurrean justifikatu beharko du, hala eskatzen zaion edozein unetan, aplikatzeko den hitzarmen kolektibo sektorialak ezartzen dituen lan baldintzak betetzen direla, edo beharrezkotzat jotzen den beste edozein zertzelada, nortasunari, gaitasunari, kaudimenari edo kontratua betetzeko moduari buruzkoa”.

Berrogeita hemeretzi. 152.2. artikulua aldatzen da. Testu hau izanen du:

“2. Prezioa ordaintzeko araubidea pleguetan ezarriko da. Era berean, eta ezertan ukatu gabe kasua bada aplikatzea urriaren 23ko 2/2015 Legegintzako Errege Dekretuaren bidez onetsitako Langileen Estatutuaren Legearen testu bateginaren 44. artikuluan ezarritakoa (LBK 2015, 1654), pleguan beti aurreikusi beharko da kontratataren betebeharra dela subrogazioak ukitutako langileei ordaindu gabe utzitako soldaten erantzule izatea, bai eta sortutako Gizarte Segurantzarako kotizazioena ere, are kontratua suntsitu eta kontratista berriak langileak subrogatzen dituean; betebehari hori ez da inola ere kontratista berriarena izanen. Kasu horretan, behin soldata horiek ordaindu gabe daudela frogatuta egon ondoren, Administrazioak kontratistari zor zaizkion kopuruak atxikiko ditu, soldata horien ordainketa bermatzeko, eta ez du behin betiko bermea itzuliko harik eta soldata horien ordainketa frogatzen den arte”.

Hirurogei. 158.2. artikulua aldatzen da. Testu hau izanen du:

“2. Edozein modutan, kontratua bete dela egiaztatzeko, Administrazioak harrera- edo adostasun-egintza formal eta positibo bat egingen du, kontratuaren xedea burutzen edo entrega egiten denetik kontaktzen hasita hamabost eguneko epean gehienez ere. Hornidura-kontratueta nahikoa izanen da garraio-agiria sinatzea. Zerbitzuate iraunkorreko kontratueta nahikoa izanen da unitate kudeatzaileak oniritzia ematea fakturan edo behar bestekotzat jotzen den beste dokumentu batean, prestazioa behar bezala bete dela ulertzeko. Obra kontratueta eta herri-lanen emakidarako kontratueta, pleguak epe hori luzatzen ahalko du obrak amaitu eta hogeita hamar egun geroago arte”.

Hirurogeita bat. 161. bis artikulua berria gehitzen da. Testu hau izanen du:

“161. bis artikulua. Kontratu-suntsiarazpeneko prozeduren metaketa eta kontratatzeke debekuen ezarpena.

1. Zilegi izanen da kontratistari egoztekoa zaion arrazoiaren ondoriozko kontratu-suntsiarazpeneko prozeduraren izapidetzeari metaketa kontratatzeke debeku bat ezartzeko prozedurari dagozkion izapideak, debeku hori deduzi daitekeenean kontratistak kontratu-suntsiarazpenaren errua izatetik.

2. Kasu horretan, prozedura hasteari buruzko ebazpenak ohartaraziko du kontratatzeke debekurako arrazoi bat egotearen usteaz, kontratua azkenean suntsiarazirik gertatzearen kasuari lotuta. Zertzelada hori aipatuta utziko da egin beharrekoak diren kontratistari entzuteko izapideetan, kontratistak modua izan dezan horretaz mintzatzeko. Era berean, prozeduran esku hartu behar duten organoei egin beharrekoak diren txosten-eskaeretan ere utziko da aipatuta.

3. Kontratu-suntsiarazpeneko prozedurari amaiera ematen dion ebazpenak halaber zehaztu du, kasua bada, kontratatzeke debekuaren norainokoa eta iraupena. Baldin eta kontratu-suntsiarazpeneko prozedura aldi berean gauzatzen bada xede bera duen adjudikazio-prozedura berri baten lizitazioarekin, bigarren horren adjudikazioa baldintzatuta egonen da lehena aurretiaz ebazteari, eta adjudikazio berria aurretiazko suntsiarazpen-prozeduran deklaraturiko kontratatzeke debekuaren efektuen eragin-eremuan egonen da”.

Hirurogeita bi. 229.1. artikulua aldatzen da. Testu hau izanen du:

“1. Proiektuan aurreikusitako obra egiteko aurrekontuan kostu errealararen % 20 baino gehiagoko aldea gertatzen bada, proiektuaren egileari leporatzen ahal zaizkion huts edo omisioen ondorioz, kalte-ordain sistema bat ezartzen ahalko da pleguan, alegia, proiektua egiteko kontratuaren prezioa jaitea aldearen portzentajearen arabera, gehienez ere prezioaren ehuneko 30era murriztuz”.

Hirurogeita hiru. Hamargarren xedapen gehigarria aldatzen da. Hona testu berria:

“Hamargarren xedapen gehigarria. Irakaskuntza-, dibulgazio- eta arte-jarduerekin zerikusia duten kontratuetarako araubide berezia.

Kontratuaren xedea pertsona fisikoei adjudikaturiko irakaskuntza- edo prestakuntza-jardueraren bat denean, gauzatua Administrazioaren zerbi-

tzuko langileentzako prestakuntza- nahiz hobekuntza-ikastaroetan edo enplegurako prestakuntzako zentro publikoetan emandako prestakuntza-ekintzetan, bai eta mintegi, solasaldi, mahai-inguru edo hitzaldietan, kolaborazioetan, zientzi artikuluetan edo idatzizko materialen prestatketan, eta espezialitate artistikoaren arabera adjudikatzekeok diren kontratuetan, hala nola zuzendaritza artistikoak, komisariotzak eta antzeko jarduerak, izapide hauek baizik ez dira egin behar, aplikatzeko den aurrekontu arloko legeriarekin bat: organo eskudunak eginiko hautaketa edo izendapena, eta kasuan kasuko fakturaren aurkezpena”.

Hirurogeita lau. Hamabosgarren xedapen gehigarria indargabetzen da.

Hirurogeita bost. Xedapen gehigarri bat, hogei ta batgarrena, gehitzen da. Testu hau izanen du:

“Hogei ta batgarren xedapen gehigarria. Medikamentu-erosketa publikoari aplikatzeko zaion araubidea.

1. Osasun Sistema Nazionalerako finkaturiko laborategi-salneurriak dituzten medikamentuak, jadanik erakunde publiko batekiko negoziazioa eta prezio-finkatze administratiboa egon izanez gero, Osasunbidea-Nafarroako Osasun Zerbitzuak zuzenean erosten ahalko ditu, lizitazio beharrik gabe.

2. Patente-babesa daukaten medikamentuak, Medikamentuen Prezioetarako Ministerioarteko Batzordeak prezio publikoa zehaztu ondoren, Osasunbidea-Nafarroako Osasun Zerbitzuak zuzenean erosten ahalko ditu, gehieneko erreferentziatza harturik Osasun Ministerioak finkaturiko prezioa.

3. Medikamentu generikoen, bioantzekoen eta medikamentu originalen erosketetan, farmaziaz-zerbitzuek zilegi izanen dute medikamentu horietako edozein aukeratzea, kudeaketa efizienteari dagozkion irizpideak aintzat harturik, medikamentu-erosketarako eskudun den organoak aurretiaz ezarri dituen nahitaezko baldintzak onartzen dituzten hornitzaileek eskainitako artetik. Hornitzaile batekin edo batzuekin medikamentu-erosketa publikorako akordio bat sinatzeak ez du eragoztziko gero beste akordio batzuk sina daitezela ezarritako baldintzak onartzen dituzten hornitzaile berriekin.

4. Aurreko puntuan adierazitakoa gorabehera, komenigarriagotzat jo ezker aipaturiko hornitzaile edo medikamentuetatik bakarrarekin lan egitea, zilegi izanen da haietako bakarra hautatzea medikamentu-eskarien xede izateko, hartara prozedura

bat eginez, zeinean ezarriko baitira hautaketarako aintzat hartuko diren hauta-irizpide kualitatiboak, bai eta haien haztapena ere. Parte-hartzea eman beharko zaie balizko hornitzaile guztiei, eta hamar eguneko gutxieneko epea ezarriko da, Interneteko argitalpenetik edo gonbidapen-bidalketatik aurrera zenbatzekoa, beren eskaintzak aurkez ditzaten. Unitate arduradunak prozeduraren emaitza jakinarazi eta Interneten argitaratu du, arrazoiak agertuta. Hornitzailea edo medikamentua bakarria duten medikamentu-erosketa publikorako akordio horien epea ez da urtebete baino gehiagokoa izanen, salbu eta urteko zenbatekoa ez denean 100.000 euro baino gehiagokoa, ezen kasu horretan urtebete gehiago luzatzen ahalko da, alderdiak aurretiaz elkarrekin ados jarrita.

5. Medikamentu-erosketa publikorako edozein motatako akordioak izaeraz pribatu izanen dira, baina haiek izapidetzean honako hauek bete beharko dira:

a) Beharrianaren eta kreditua egotearen justifikazioa.

b) Hornitzaileek bete beharreko baldintzen zehaztapena, esanbidez ezarrita zein izanen den ordainketa-sistema eta zein izanen diren epeei, produktuaren kalitateari eta/edo horniduraren kantitateari dagozkien urraketengatik kontratu-zigorak.

c) Enpresari zuzenduriko eskaera formalak. Eskaera hori onartzeak esan nahi du akordioaren termino guztiak betetzeko konpromisoa hartzen dela.

6. Medikamentu-erosketa publikorako akordioak segidako traktukoak direnean, zilegi izanen

dute xedapenak txertatzea haien aldaketari eta berriazko suntsiarazpen-arrazoiei buruz”.

Hirurogeita sei. Xedapen gehigarri bat, hogeita bigarrena, gehitzen da. Testu hau izanen du:

“Hogeita bigarren xedapen gehigarria. Administrazio publikoei aplikatzekoak zaizkien arauak, foru lege honetan arauturiko prozedurak direla eta.

1. Foru lege honetan arauturiko prozedurek, lehenik eta behin, foru legean bertan eta haren garapen-arauetan jasotako aginduak izanen dituzte araubide; eta, ordezkio modura, Administrazio Publikoen Administrazio Prozedura Erkideari buruzko urriaren 1eko 39/2015 Legeak eta haren arau osagarriek jasotzen dituztenak.

2. Betiere, interesdun den pertsona batek eskaturik hasitako prozeduretan, haietarako ez baldin bada berriaz besterik ezartzen, eta xedetzat edo gaitzat badute kopuru-erreklamazioa, administrazio-prerrogatiben egikaritzea edo administrazio-kontratu baten exekuzioarekin, betetzearekin nahiz azkentzearekin zerikusia duen beste edozein afera, interesdun den pertsonak zilegi izanen du, prozeduraren ebazpenerako ezarritako epea ebazpen hori jakinarazi gabe igaro denean, bere eskaera administrazio-isiltasunez ezetsizat jotzea, ezertan eragotzi gabe ebazteko betebeharrak bere horretan irautea”.

**Azken xedapen bakarra.** Foru legeak indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra.



---

**E saila:**  
**INTERPELAZIOAK, MOZIOAK ETA ADIERAZPEN POLITIKOAK**

---

**Erabakia. Horren bidez, Nafarroako Gobernua premiatzen da eten digitala murrizteko asmoz liburutegiak bultza ditzan herritarrak gai digitalan prestatzeko eremu gisa, haien alfabetatze digitala eta gaitasun informazionala eskuratuta.**

*OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, honako erabaki hau onetsi zuen: “Erabakia. Horren bidez, Nafarroako Gobernua premiatzen da eten digitala murrizteko asmoz liburutegiak bultza ditzan herritarrak gai digitalan prestatzeko eremu gisa, haien alfabetatze digitala eta gaitasun informazionala eskuratuta”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen dut. Hona testua:

“1. Nafarroako Parlamentuak Nafarroako Gobernua premiatzen du:

– Nafarroako herrietan 2030eko Agendako informazioa lortzeko, Agendaren gaineko prestakuntza eskuratzeko eta Agenda betetzeko topagunetzat har ditzan liburutegiak.

– 2030eko Agendaren departamentu arteko lantaldearen esku jar ditzan Nafarroako liburute-

giak, 2030eko Agendako Garapen Jasangarriko Helburuez sentsibilizatzeko eta helburu horien hedapena egiteko espazio gisa.

– Herritarrak arlo digitalean prestatzeko espazio gisa bultza ditzan liburutegiak, herritarrek alfabetatze digitala eta informazioa lortzeko gaitasuna lor dezaten, arrakala digitala murriztea xede.

– Nafarroako liburutegietako profesionalen 2030eko Agendaren nahiz agenda ezartzeko estrategien gaineko prestakuntza eman diezaien.

2. Nafarroako Parlamentuak Kultura eta Kirol Departamentua premiatzen du, hiru hilabeteko epean Nafarroako liburutegietarako jarduketa-plan bat aurkez dezan, arrakala digitala murrizten laguntzeko bere proposamenean, azpimarra berezia jarriz toki entitateekin eduki beharreko lankidetzan eta liburuzainek kultura bitartekaritzan aritzeko beharko duten prestakuntzan”.

Iruñean, 2021eko urriaren 15ean

Lehendakaria: Unai Hualde Iglesias

**Erabakia. Horren bidez, Nafarroako Gobernua premiatzen da Espainiako Gobernuarekin behar diren zuzemenak egin ditzan foruzainek erretiroa hartzeko adina aurreratzeko egin beharreko administrazio-izapideak azkartu ditzan.**

*OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, honako erabaki hau onetsi zuen: “Erabakia. Horren bidez, Nafarroako Gobernua premiatzen da Espainiako Gobernuarekin behar diren zuzemenak egin ditzan foruzainek erretiroa hartzeko adina aurreratzeko egin beharreko administrazio-izapideak azkartu ditzan”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen dut. Hona testua:

“1. Nafarroako Parlamentuak adierazten du konpromiso irmoa duela foruzainek erretiroa hartzeko adina aurreratzeko eskubidearen defentsarekin, 2011ko azaroaren 18ko 1698 Errege Dekretuan ezartzen diren prozedura eta baldintzekin bat; horrenbestez, Nafarroako Gobernua premiatzen du Espainiako Gobernuaren aitzinean egin beharreko zuzemenak egin ditzan, zertarako eta hark egin beharreko administrazio-izapideak azkartu ditzan, foruzainek erretiroa hartzeko adinaren aurreratzeko lehenbailehen gauzatzeko helburuarekin.

2. Nafarroako Parlamentuak Espainiako Gobernua premiatzen du araudian ezartzen diren administrazio-izapideak urgentziaz egin ditzan eta hartu beharreko erabakiak har ditzan, Nafarroako Foruzainek kolektiboaren erretirorako adina aurreratzeko gauzatzeko koefiziente murriztailearen sistemarekin bat, lanbide hori jarduera nekarri, arriskugarri, osasungaitz edo toxikoen artean sartzen den aldetik, beste polizia-kidego batzuetako kideentzat ezarrita dagoen moduan.

3. Nafarroako Parlamentuak Diputatuen Kongresuko talde parlamentarioak premiatzen ditu zuzenketa bat aurkeztu dezaten Pentsioen erosahalmena bermatzeko eta pentsio-sistema publikoaren iraunkortasun finantzario eta soziala sendotzeko bestelako neurri batzuk hartzeko lege proiektuaren izapide parlamentarioan, foruzainen erretiro-adina aurreratzeko zertzeko, eta lege proiektu hori onesten ez bada, kasuko zuzenketa aurkeztu diezaioten Estatuaren Aurrekontu Orokorren Lege proiektuari, foruzainen erretiro-adina aurreratzeko eskubidea onar dadin”.

Iruñean, 2021eko urriaren 15ean

Lehendakaria: Unai Hualde Iglesias

**Erabakia. Horren bidez, Diputatuen Kongresua premiatzen da, Konstituzio Batzordearen baitan, urgentziaz dei dezan Hauteskunde Araubide Orokorrari buruzko ekainaren 19ko 5/1985 Lege Organikoa aldatzeko Azpibatzerdea, tokiko hauteskunde-elkarteak eta alderdiak direla-eta sortutako arazoei konponbidea emateko behar diren legegintza-aldaketak egiteari begira.**

*OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, honako erabaki hau onetsi zuen: “Erabakia. Horren bidez, Diputatuen Kongresua premiatzen da, Konstituzio Batzordearen baitan, urgentziaz dei dezan Hauteskunde Araubide Orokorrari buruzko ekainaren 19ko 5/1985 Lege Organikoa aldatzeko Azpibatzerdea, tokiko hauteskunde-elkarteak eta alderdiak direla-eta sortutako arazoei konponbidea emateko behar diren legegintza-aldaketak egiteari begira”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroa-

ko Parlamentuko Aldizkari Ofizialean argitaratu dadin agintzen dut. Hona testua:

“Nafarroako Parlamentuak Diputatuen Kongresua premiatzen du, Konstituzio Batzordearen baitan, urgentziaz dei dezan Hauteskunde Araubide Orokorrari buruzko ekainaren 19ko 5/1985 Lege Organikoa aldatzeko Azpibatzerdea, tokiko hauteskunde-elkarteak eta alderdiak direla-eta sortutako arazoei konponbidea emateko behar diren legegintza-aldaketak egiteari begira”.

Iruñean, 2021eko urriaren 15ean

Lehendakaria: Unai Hualde Iglesias

**Erabakia. Horren bidez, Nafarroako Gobernuak Hezkuntzako kontseilaria premiatzen da Nafarroako Parlamentuak hartutako erabakiak bete ditzan, zuzenbidezko estatu demokratikoan behar den legez.**

*OSOKO BILKURAK ONETSIA*

Nafarroako Parlamentuak, 2021eko urriaren 14an egindako Osoko Bilkuran, honako erabaki hau onetsi zuen: “Erabakia. Horren bidez, Nafarroako Gobernuak Hezkuntzako kontseilaria premiatzen da Nafarroako Parlamentuak hartutako erabakiak bete ditzan, zuzenbidezko estatu demokratikoan behar den legez”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitaratu dadin agintzen dut. Hona testua:

“1. Nafarroako Parlamentuak Nafarroako Gobernuak Hezkuntzako kontseilaria premiatzen

du Nafarroako Parlamentuak hartutako erabakiak bete ditzan, zuzenbidezko estatu demokratikoan behar den legez.

2. Nafarroako Parlamentuak Nafarroako Gobernuak Hezkuntzako kontseilaria premiatzen du hezkuntza-erkidegoak parte hartzeko eta hari aditzeko behar diren bideak gaitu ditzan, aginduzkoa denari jarraikiz, hezkuntza-sisteman eragina duten erabakiak hartu aitzin”.

Iruñean, 2021eko urriaren 15ean

Lehendakaria: Unai Hualde Iglesias

**Mozioa. Horren bidez, Nafarroako Gobernua premiatzen da adostasun-espazio bat sor dezan Nafarroaren garapen sozial eta ekonomikorako proiektu estrategiko lehenetsien inguruan.**

*OSOKO BILKURAK EZETSI DU*

Nafarroako Parlamentuko Osoko Bilkurak, 2021eko urriaren 14an egindako bilkuran, honako mozio hau ezetsi du: "Mozioa. Horren bidez, Nafarroako Gobernua premiatzen da adostasun-espazio bat sor dezan Nafarroaren garapen sozial eta ekonomikorako proiektu estrategiko lehenetsien inguruan". Mozioa Adolfo Araiz Flamarique jaunak

aurkeztuzuen eta 2021eko urriaren 8ko 114. Nafarroako Parlamentuko Aldizkari Ofizialean argitaratu zen.

Iruñean, 2021eko urriaren 15ean

Lehendakaria: Unai Hualde Iglesias